

鳴沙石室佚書

卷

代長值危時望鄉失土波迸流離只

欲隱山居住不能忍凍受飢只欲楊後伐復無晏
嬰之機才輕德薄不堪人師徒消人食浪費人衣隨
緣信業且逐時之隨輒以討其墳典簡擇詩書依經傍史灼
禮時宜為書一卷助幼童兒用傳於後幸原思之則
經論上下易辯剛柔則詩分流儒雅禮樂興行信義
成著仁道立為得人一牛還人一馬往而不來非成禮也
知恩報恩風流儒雅有恩不報豈成人也事君盡

忠事父盡敬禮聞來學不聞往教捨父事師敬同
於父慎其言語整其容貳善能行孝物貪惡事
莫作詐巧直實在心物生欺誑孝心事父晨省暮
看知飢知渴知暖知寒憂時共感樂時同歡父母有
疾甘羹不飡食無求無求飽居無求安聞樂求樂
聞喜不看脩身體不整衣冠得至疾瘳止亦不難
弟子事師敬同於父習其道也學其言語黃金白銀
不可相与好言善述滂出口臣無境外之交弟子有束
羞之好一日為師終日為父一日為君終日為主教子之

法常令自慎言不可失行不可虧他離莫越他事
莫知他貧莫笑他病莫欺他財莫取他色莫假
他強莫觸他弱莫欺他弓莫挽他馬莫騎弓析
馬死常他無疑財能害已必須畏之酒能敗身必須
戒之色能害身必須遠之忿能積惡必須忍之心能
造惡必須戒之口能招禍必須慎之見人善事
必須讚之見人惡事必須掩之隣有災難必須救之
見人鬭打即須諫之意欲去處即須審之見人不是即
須教之非是時流即須避之羅網之鳥悔不高飛吞

釣之魚恨不忍飢人生誤計恨不三思禍將及已恨不忍
之其父出行子須從後路逢尊者齊脚劔手尊人之前
不得唾地尊人賜酒拜受尊者賜肉骨不与苟尊者
賜菓懷核在手若也弃之為礼大醜對客之前不得
出涕亦不漱口憶而莫忘終身無咎立身之本義讓為
元賤莫与交貴莫与親他奴莫語他婢莫与言高敗
之家慎莫為婚市道接利莫与為隣敬上愛下
以愛尊賢孤兒寡婦特可矜憐乃可無官不得失婚
身須擇行口須擇言惡人同禍必及身養兒之法莫聽

誑言育女之法不聽離母男年長大莫聽好酒女

年長大莫聽遊走丈夫好酒宣拳肘肘行不擇地言
不擇口觸寢尊卑闕亂用友女人遊走逞其姿首男女
雜合風聲大醜慚恥尊親損辱門戶婦人送客不出
閨進行其言語下氣低聲出行逐伴隱影戒形門
送前客莫出奇聽一行有失百行俱傾能於此礼
無事不精新婦事父音聲莫聽形影不覩夫
婦兄不得對語孝養翁門家敬事夫主沈愛尊
賢教示男女行則綏步言必小語勸事女切莫學

歌舞小為人子長為人出則劔客動則庠序敬慎
口言終身無苦希見今時貧家養女不解麻布不
閑針縷貪食不作好喜遊走女年長大聘為人婦
不敬君家不畏夫主大人使命說辛道苦夫罵一言
反應十矩損辱兄弟連累父母本不是人狀同猪狗
含血損人先惡其口十言九中不語者滕小為人子
長為人父居必擇隣慕近良友側立有聽後待
賓客侶無親疎來者當受合食与食合酒与酒
開門不看還同猪狗拔貧作富事須方寸看客

不貪古今實語握髮吐食先有常據閉門不看不
如獨鼠高山之樹苦於風雨路邊之樹苦於刀斧
當道作舍苦於客侶不慎之家苦於官府牛
羊不圈苦於狼虎禾熟不收苦於雀鼠屋漏不覆
苦於樛柱兵將不慎敗於軍旅人生不學費其
言語近禾者赤近墨者黑蓬生麻中不扶自直
近倭者諂近偷者賊近愚者癡近聖者明近賢
者德近淫者色貧人多力勤耕之人必豐穀食
勤學之人必居官職良田不耕損人切力養子不

教費人衣食與人共食慎莫先嘗與人同飲
莫先起觴行不當路坐不當車當路逢尊者
側立其傍有問善對必須審詳子從外來先
須省堂未見尊者莫入私房若得飲食慎莫
先嘗饗食其祖宗始到取娘次寤兄弟後及兒
郎食必先讓勞必先當知過必改得能莫忘
與人相識先政容儀稱名道字然後相知陪年已
長則父事之十年已上則兄事之五年已外則
肩隨之三人同行必有我師焉釋其善者而從之

其不善者而蓋之滯不釋職貧不擇妻飢不擇食
寒不擇衣小人為賊相然君子以得相知欲求其
長必取其短欲求其圓先取其方欲求其強
先取其弱欲求其剛先取其柔欲防外敵先須自
防欲揚人惡便是自揚傷人之語還是自傷凡人
不可只相海水不可升量茅茨之家必出公王
蒿艾之下必有蘭芳助祭得食助酬得傷人惡
者受胥暴者亡清之事為酒所傷聞人善
事不可稱揚知人有過密庵深藏是故同談

彼矩靡恃已長鷹鷂雖迅不能快於風雨日月
雖明不照盆覆之下唐虞雖聖不能化其明主
微子雖賢不能諫其暗君比干雖惠不能自免其
身蛟龍雖聖不煞岸上之人刀劍雖利不能煞
清潔之士羅網雖細不能執無事之人非灾
橫禍不入慎之門人无遠慮必有近憂斜徑懷
於良讒言敗於善人君子合紅為大海水博內
如川寬則得衆敏則有功以法治人、即得治
國信讒必煞忠臣治家信讒家必敗亡兄弟信讒分別

果居夫婦信讒男女生分朋友信讒必致死怨天雨
五穀荆棘蒙恩杞薪救火必成灾楊湯至沸不如
去薪千人排門不如一人拔關一人守隘万人莫當貪心害
已利口傷身荒田不耜履李下耜冠聖君雖渴不飲道
泉之水暴風疾雨不入京婦之門孝子不隱情於父忠臣不
隱情於君法不化君子礼不知於小人君濁則用武君清則
用文多言不益其體曰佞不妨其身明君不愛邪佞之臣慈
父不愛無^力之子道之以德畜之以礼小人不擇地而息君子
固窮小人不擇官而事屈厄之人不羞執鞭之事飢寒在

身不羞凡蒼之恥負不可欺富不可恃陰陽相崔終而
復始太公未遇釣魚水相如未達賣卜於市 天居山

魯連海水孔鳴盤桓復時而起鶴鳴九皋聲聞於天電
裏燃火燒氣成雲家中有惡人必知之身有德行人必稱傳
孟母三移為子擇隣只患己所不知患己不知人也欲立身
先立於人已欲達先達人立身行道始於事親孝無終始
不離其身修身慎行恐辱先人已所不欲物施於人近鮑
者臭近蘭者香近愚者闇近智者良明珠不營焉蔽其
光人生不學言不成章小兒學者如日出之光長而學

者如日中之光老而學者如日暮之光老而不學冥冥如夜柔必勝剛若必勝強幽堅即折若柔則女慕貞潔男効才良行善獲福行惡得殃行來不遠所見不長學不廣智惠不長欲知其君視其所使欲知其父先視其子欲作其本視其文理欲知其人先知奴婢君子固窮小人窮斯濫矣病則無法酖則无憂飲人誑藥不得責人之礼聖人避其酒容君子恐其酒仕知者不見之過愚夫之子多患小人過女无明鏡不知面上之精微將軍之門必出勇夫博學之家必有

君子是以人相知相道行魚

望於江湖人無良友不知

行之得失是結以交朋友須擇良賢寄死託孤意重則
密榮則同榮辱則同辱難則相救危則相扶勤是無價
之寶學是明月神珠積財千萬不如明解一經良田
千頃不如薄藝隨軀慎是護身之符謹是百行
之本香餌之下必懸鈎之魚重賞之家必有勇夫之
者可償過者可誅慈父不愛無力之子只愛有
力之奴養男不教為人養奴養女不教不如養狗
癡人思婦賢女敬夫孝是百行之本故云其大

考手

太公家教一卷

